

# Ihumanea Pāngarau Te Āhua Ahu-rua MĀ TE KAIKO

## Kia Mōhio te Ākonga ki:

- ngā momo āhua ahu-rua
- te whakamārama i ngā tikanga o ngā āhua ahu-rua

## Kupu Matua:

koki hāngai, tapa, whakarara, tauaro, torotika, rārangi hangarite, taparau, tapawhā hāngai, tapawhā whakarara, whakarara rite, taparara waerite, tapaono rite, tapawaru rite


## Whāinga Paetae:

Taumata 4, Te Ine me te Āhuahanga

2. Ka tautohu, ka whakamārama i ngā tikanga āhuahanga o ngā rōpū āhua ahu-2 me ngā rōpū āhua ahu-3.

## Te Rapanga:

He āhua ahu-rua ēnei, ka kīia, he taparau. He torotika ngā tapa katoa:



1. Āta whakaarohia ko tēhea whakamārama e hāngai ana ki tēnā āhua, ki tēnā āhua. Tuhia te tau o te āhua me te pū o te whakamārama e hangai ana.

A: He tapawhā. E rua ngā rārangi hangarite. E whā ngā koki hāngai.

E: He tapawhā. E whā ngā tapa ōrite. E rua ngā rārangi hangarite.

H: He taparau. E toru ngā tapa whakarara takirua.

I: He tapawhā. He ōrite te roa o ngā tapa tauaro. He whakarara ngā tapa tauaro.  
Karekau he rārangi hangarite.

K: He tapawhā. Kotahi te rārangi hangarite. He ōrite te roa o ētahi tapa tauaro e rua. He whakarara ētahi tapa tauaro e rua.

M: He tapawhā. Kotahi te rārangi hangarite. He ōrite te roa o ētahi tapa takirua e rua.

N: He taparau. E whā ngā rārangi hangarite. He ōrite te roa o ngā tapa katoa.

He pātai āwhina hei tuku mā te kaiako (ina hiahiatia):

- He aha te tikanga o tēnei mea te rārangi hangarite. Tuhia he tapawhā rite. Tohua mai ōna rārangi hangarite.
- He aha te koki hāngai? Tohua tētahi koki hāngi i te hanga o tēnei rūma. Tohua he koki hāngai i tētahi o ngā āhua.
- He aha te tikanga o te 'whakarara'? Māku e tuhi tētahi rārangi torotika. Māu e tuhi ētahi rārangi he whakarara ki tāku.

- He aha te tikanga o te tapa tauaro? Māku e tohu tētahi tapa o te tēpu. Māu e tohu te tapa e noho tauaro ana ki tāku.

Ngā whakautu:

A6 E5 H7 I2 K1 M4 N3

## 2. Tuhia te tau o te āhua me te pū o te ingoa e hāngai ana.

A: manu tapawhā  
 E: tapawhā hāngai  
 H: tapawaru rite  
 I: whakarara rite  
 K: tapawhā whakarara  
 M: tapaono rite  
 N: taparara waerite

He pātai āwhina hei tuku mā te kaiako (ina hiahiatia):

- Āta whakaarohia ngā kupu o roto i te ingoa o te āhua.
- He aha te tikanga o te [whakarara]? Nō reira ko ēhea ngā āhua e whai tapa whakarara ana?
- He aha te tikanga o te [rite]? Nō reira ko ēhea ngā āhua e whai tapa rite ana?

Ngā whakautu:





A4 E6 H3 I5 K2 M7 H1

## 3. Ko t/ēhea o ngā āhua e taea ana te hanga mā te whakapiri i ētahi tapatoru rite? Tuhia he pikitia.

He pātai āwhina hei tuku mā te kaiako (ina hiahiatia):

- Tuhia tētahi tapatoru rite.
- Whakapiria ētahi tapatoru e rua. He aha te āhua ka hua mai?
- E kite ana koe i tētahi atu āhua e taea ana te hanga mā te whakapiri i ētahi tapatoru rite?

Hei tauira whakautu:





			
whakarara rite	taparara waerite	tapawhā whakarara	tapaono rite

4. Ko t/ēhea o ngā āhua e taea ana te hanga mā te whakapiri i ētahi tapatoru hāngai?  
Tuhia he pikitia.

He pātai āwhina hei tuku mā te kaiako (ina hiahiatia):

- Tuhia tētahi tapatoru hāngai.
- Whakapiria ētahi tapatoru e rua. He aha ngā āhua ka hua mai i ngā whakapiringa rerekē?
- E kite ana koe i tētahi atu āhua e taea ana te hanga mā te whakapiri i ētahi tapatoru hāngai?

Hei tauira whakautu:

			
tapawhā hāngai	manu tapawhā	tapawhā whakarara	whakarara rite